

## БІРҚАТАР ТАПСЫРМАЛАР ЖҮКТЕЛДІ



Мемлекет басшысы Премьер-министр Асқар Маминді қабылдады, - деп хабарлайды Қазақстан Республикасы Президентінің баспасөз қызметі.

Кездесу барысында коронавирустың таралуы салдарынан әлемдік нарықтағы қалыптасқан жағдайға байланысты Қазақстан экономикасының қазіргі ахуалы мен оны дамытудың перспективалары қарастырылды.

Қазақстан Президенті Қасым-Жомарт Тоқаев Үкіметке ұлттық экономиканың тұрақты өсімін қамтамасыз ету, жоспарланған құрылымдық реформаларды жүзеге асыру, халықтың қажеттіліктерін өтеу үшін, жедел шаралар қабылдауды тапсырды.

## Абайдың қара сөздері

### ЕКІНШІ ҚАРА СӨЗ

Мен бала күнімде естуші едім, біздің қазақ сартты көрсе, күлуші еді «енеңді ұрайын, кең қолтық, шүлді-реген төжік, Арқадан үй төбесіне саламын деп, қамыс артқан, бұтадан қорыққан, көз көргенде «әке-үке» десіп, шығып кетсе, қызын боқтасқан, «сарт-сұрт деген осы» деп. Ноғайды көрсе, оны да боқтап күлуші еді: «түйеден қорыққан ноғай, атқа мінсе - шаршап, жаяу жүрсе - демін алады, ноғай дегенше, ноқай десеңші, түкке ыңғайы келмейді, солдат ноғай, қашқын ноғай, башалшық ноғай» деп. Орысқа да күлуші еді: «ауылды көрсе шапқан, жаман сасыр бас орыс» деп. Орыс ойына келгенін қылады деген... не айтса, соған нанады, «ұзын құлақты тауып бер депті» деп. Сонда мен ойлаушы едім: ей, Құдай-ай, бізден басқа халықтың бәрі антұрған, жаман келеді екен, ең төуір халық біз екенбіз деп, әлгі айтылмыш сөздерді бір үлкен қызық көріп, қуанып күлуші едім. Енді қарап тұрсам, сарттың епеген егіні жоқ, шығармаған жемісі жоқ, саудагерінің жүрмеген жері жоқ, қылмаған шеберлігі жоқ. Өзіменен өзі әуре болып, біріменен бірі ешбір шаһары жаулапайды! Орысқа қарамай тұрғанда қазақтың өлісінің ахиреттігін, тірісінің киімін сол жеткізіп тұрды. Әке балаға қимайтұғын малыңды кірелеп сол айдап кетіп тұрды ғой. Орысқа қараған соң да, орыстың өнерлерін бізден олар көп үйреніп кетті. Үлкен байлар да, үлкен молдалар да, ептілік, қырмызылық, сыпайылық - бәрі соларда. Ноғайға қарасам, солдаттыққа да шыдайды, кедейлікке де шыдайды, қазаға да шыдайды, молда, медресе сақтап, дін күтуге де шыдайды. Еңбек қылып, мал табудың да жөнін солар біледі, салтанат, өсем де соларда. Оның малдыларына, құзғын тамағымыз үшін, біріміз жалшы, біріміз қош алушымыз. Біздің ең байымызды: «сөнің шақшы аяғың білән пышыратырға қойған идән түгіл, шық, сасық қазақ», - деп үйінен қуып шығарады. Оның бәрі - бірін-бірі қуып қор болмай, шаруа қуып, өнер тауып, мал тауып, зор болғандық әсері. Орысқа айтар сөз де жоқ, біз құлы, күні құрлы да жоқпыз. Бағанағы мақтан, бағанағы қуанған, күлген сөздеріміз қайда?

“Жесір дауы, Жер дауы” ұлтымыз үшін ежелден ең қасиетті ұғым болып келгені рас. Ол қазір де әлем мемлекеттерінің ең үлкен тегеуірінді саясаты.

1960 жылы Кеңес Одағының 1-нші басшысы Никита Хрущев “тың игеру” мәселесіне байланысты қазақ жерінің ең шұрайлы 5 аймағын Ресей билігіне беру мақсатымен Қазақстанға келді. Ол заманда Орталық Комитеттің шешіміне қарсы тұру - қылмыспен тең құбылыс еді.

### Ұлылық қалғыса - ұлт ұйқыға кетеді

Хрущев Қазақ Республикасының жер көлемі өте кең екенін, бұл елдің жер игеруге шама-шарқы жетпей жатқанын айта отырып, “Қазақстанның арқадағы Қостанай, Солтүстік Қазақстан, Павлодар, Қарағанды, Ақмола сияқты 5 облысын Республика құрамынан шығарып, Мәскеуге бағынышты еткен жөн!”, - деп шешеді.

«Мен осындай мәселені шешу түгілі, оның “күн тәртібіне” қойылуына қарсымын. Мұндаймен ешбір қазақ келіспейді!”, - деп Жұмабек Тәшенев кеудесін тоса қарсы шығады.

Ақыры, даурықпа патшаның дөмегөй пиғылы жүзеге аспай қалды. Қаһармандық драмаға толы саяси сахнадан Хрущев жеңіліс тапты!

### Ұлылар үнсіз қалса -

## XX ҒАСЫРДЫҢ АЛЫПТАРЫ:

### КІСЕНДЕУЛІ ЖОЛБАРЫС

**Қазақ елі үшін бағы мен соры қатар өрілген XX ғасыр тарих қойнауына қаншама жұмбақ құпияларымен енген екен. Кезеңдер туғызған табыстар мен қайшылықтар қарапайым халықпен қатар билік басындағылардың да тағдырында көрініс тауып жатты. Соның бірі заманында «Кісендеулі жолбарыс» аталып кеткен жаужүрек азамат Жұмабек Тәшенев болатын.**



### зұлымдық қанат жаяр

Хрущевтің Қазақстан жерін империялық саясатпен бөлшектеу жолындағы арам пиғылы ұлттың басына түскен ауыр кезең болды. Жер иесі халықпен ақылдаспай-ақ, көптен

бергі көкейдегі ойын іске асыруға тағы да ұмтылды.

Хрущев 1961 жылы батыстағы мұнайлы облыстарды түгелдей Түркіменстан мен Өзірбайжанға беруді жоспарлады. Орталық биліктің бұл саясаты

- қазақ жерін бөлшектеуге бағытталған нағыз зұлымдық идея болатын.

Тәшенев тағы да кеудесін тоса қарсы шықты: “Сонда Қазақстанға не қалады, халқы немен айналыспақ?!” - деп.

Хрущев: “Сенің ата-бабаңның кәсібі мал бағу емес пе, малмен айналысасыңдар!”, - деп қысқа жауап қайтарған.

Кеңестер Одағы Басшысының алдында Қазақстан Республикасы Жоғарғы кеңесі төрағасының мұндай мінез танытуы, әрине, көзсіз ерлік болды. Жер мәселесі тағы да шешусіз қалды. Ессіне, Хрущев Тәшеневтің тағдырын шешті!

Дүниежүзі қазақтарының қауымдастығы Төрағасының бірінші орынбасары Зауытбек Тұрысбеков “Алаштың ақырғы ақиығы” фильмінің идеясын ұсынып, түсірілімге қолдау көрсеткен.

**Ардақты арысымыз туралы деректі фильмді Дүниежүзі қазақтарының қауымдастығының баспасөз қызметінің телеарнасынан 7 ақпан күні сағат 11:00 уақытында және 9 ақпанда сағат 16:00 уақытында көріңіздер.**

«Айғақ-Ақпарат»

### 4-бетте

## «ҚАМҚОРЛЫҚ» ҚАРҚЫН АЛДЫ



### 5-бетте

## «ОНЛАЙН ОҢАЙ»

Түркістанда осындай тақырыппен ерекше форум болып өтті





## «Қамқорлық» қарқын алды

Аймақтық «Қамқорлық» бағдарламасы Келес, Жетісай, Мақтаарал, Сарыағаш, Төлеби, Түлкібас, Арыс, Сайрам, Ордабасы, Бәйдібек аудандары мен Түркістан, Кентау қалаларында қарқынды жүзеге асуда, - деп хабарлайды Түркістан облысы әкімінің баспасөз қызметі. Жаңадан бастау алған жоба аясында Қазығұрт ауданында 20 отбасының барлығы үйлі болады. Бұл мақсатта жергілікті билік демеушілермен кәсіссөздер жүргізуде.

Қазақстан Республикасының Президенті Қасым-Жомарт Тоқаев «Сындарлы қоғамдық диалог – Қазақстанның тұрақтылығы мен өркендеуінің негізі» атты халыққа арнаған Жолдауында қоғамдық келісімді нығайту мен әлеуметпен тиімді кері байланыс орнату қажеттігін баса назарға алған еді. Әсіресе, көпбалалы отбасыларға әлеуметтік жағынан барынша қолдау білдіру – негізгі мақсат. Осы тапсырма аясында Түркістан облысында Өмірзақ Шөкеевтің бастамасымен

қолға алынған «Қамқорлық» жобасы жүзеге асырылып, халық қалаулылары мен кәсіпкерлердің қолдауымен қарқынды жүргізіліп келеді.

Бір ғана апта ішінде Түркістан облысында 700-ден астам отбасы «Қамқорлық» кешенді бағдарламасы бойынша жан – жақты көмек алды. Жоқшылық тауқыметін тартқан жандарға қосымша әлеуметтік қолдау көрсетудегі жаңа жоба аясында 1534 отбасына, яғни, 6643 адамға көмек көрсетілмек. Ол үшін жергілікті бюджеттен 1,6 млрд теңге көлемінде қаржылай қолдау көрсету көзделген.

Қайырымды іске жергілікті атқарушы орган өкілдері, аудандық мәслихат депутаттары мен «Nur Otan» партиясы Түркістан облыстық филиалының төрағасы бастаған бастауыш партия ұйымдарының жетекшілері және жеке кәсіпкерлер қатысуда. Осы уақыт арасында аудан, елді-мекен тұрғындарын қажетті азық-түлікпен қамтып, керек болған жағдайда медициналық жәрдем беріп, тұрақты жұмысқа орналастырып, мамандығы жоқ азаматтарға қайта оқу курстарына жолдама берген. Кей отбасыларға демеушілерді тарта отырып үй салынады. Жаңа жоба аудан-қалалардағы көмекке зәру, кедейлік шегіндегі отбасыларды анықтап, аяғынан тұрғызуды көздейді.

## Төлебилік отбасы баспаналы болды

ған жоқ. Бұдан асқан бақыт бар ма?! Облыс әкімінің тапсырмасымен жаңа жобаның бүкіл аудан, ауылдарда жүріп жатқанын көріп те, естіп те отыр едік. Баспанаға зәру біз сияқты жандарға жасалған бұл қамқорлықты ешқашан ұмытпаймыз», - дейді көпбалалы ана.



Төлеби аудандық кәсіпкерлік палатасы тарапынан «Нәтижелі жұмыспен

жасалып, жұмыспен қамту жағы да қарастырылып отыр.

## «Қамқорлық» жобасын «Айғақ» жалғастырды



Қайырымдылық – қадірлі іс. Мұқтаж жандарға көмек көрсетіп, жақсылықтың жаршысы болу - әрбір азаматтың парызы іспетті. Ал, біздің мақсатымыз жасаған жақсылықты мақтаншыпен айту емес, керісінше, «Қамқорлық» жобасы арқылы тұрмысы төмен отбасыларға көмек қолын созуға насихат-

тау. Түркістан облысының әкімі Өмірзақ Естайұлының бастамасымен қолға алынған «Қамқорлық» жобасын «Айғақ» Телерадиокомпаниясы мен газетінің құрылтайшысы, Түркістан облыстық мәслихаттың депутаты Дулат Әбіш те жалғастырды. №1 сайлау округіне қарасты Ордабасы ауданының Бадам

ауылындағы әлеуметтік тұрмысы төмен отбасыларға көмек көрсетіп, қажеттіліктермен қамтамасыз етті. Әлеуметтік жағынан аз қамтылған жанұялардың тұрғындарымен тілдесіп, жай-күйімен танысты.

Алпысты алқымдаған Шайза Сүйіндікова бүгінде 3 немересіне өзі қарап отыр. Әлеуметтік тұрмысы төмен. Жұмыс істеуге де денсаулығы жарамайды. Екінші топтағы мүгедек. Мемлекет тарапынан да ешқандай көмекке ілінбедік дейді.

Денсаулығы сыр берген өженің немерелеріне өзі қараудан басқа амалы жоқ. Себебі, мектеп жасындағы балаларға күтім керек. Тамағын да жасап, сабағын да қадағалайтын өзі. Тіпті, кей-кездері өзіне ем алуға қаражаттың жетіспейтінін де айтады. Ота жасауға да қыруар қаржы керек.

Иә, мемлекет басшысы

Қасым-Жомарт Тоқаев Жолдауында: «Аз қамтылған отбасылардың балаларына қамқорлық көрсету керек. Олар үшін кепілдендірілген әлеуметтік көмекті енгізу қажет. Бұл дегеніміз – мектеп жасына дейінгі балаларға үнемі қолдау көрсету, барлық оқушыға тегін ыстық тамақ беру, оларды оқу құралдарымен және мектеп формасымен қамтамасыз ету, медициналық, соның ішінде стоматологиялық көмек алу және қоғамдық көліктерде жүру шығындарын өтеу», - басты мақсат екендігін айқындап берген болатын. Қазіргі таңда Өмірзақ Шөкеевтің бастамасымен Түркістан облысында жүзеге асырылып жатқан «Қамқорлық» жобасы бірқатар отбасыларды үймен қамтуды да көздеп отыр. Мәселен, Қазығұрт ауданының әкімдігі 20 жанұяны баспаналы етпек.

## Бәйдібектіктер де бастаманы жүзеге асырды



Бәйдібек ауданының әкімі, «Nur Otan» партиясы аудандық филиалының төрағасы Бақытбек Танағөзов, партия активімен бірге Ағыбет, Алғабас ауылдық округтерінде жұмыс сапарымен болып, бекітілген тізім бойынша әлеуметтік жағдайы төмен 4 отбасының шаңырағында болды, - деп хабарлайды Бәйдібек ауданы әкімінің баспасөз қызметі.

Кездесу барысында аудан басшысы, 4 отбасының тыныс-тіршілігімен танысып, азық-түлікпен қамтамасыз еткен. Сонымен қатар, аудан басшысы аталған 4 отбасының мәселесін сұрап, егер болған жағдайда бірінші кезекте шешімін табуға көмек беретіндігін айтады. Аралау барысында әлеуметтік жағдайы төмен бір отбасы аудан басшысынан тұрғын үйінің жарамсыз шатырын ауыстырып беруді өтінді. Алдағы аз күнде бұл проблема да өз шешімін табатын болды.

Сонымен қатар, аталған отбасылардың әрқайсысы қамқорлыққа алынып, қандай көмек керек екендігі жөнінде және өзге де мәселелер бойынша олармен үнемі тұрақты түрде байланыста болып, жағдайларының көтерілуіне көмек берілетін болады.

Әлеуметтік көмекке мұқтаж отбасылар «Қамқорлық» жобасы бойынша қолға алынған бұл бастамаға алғыстары мен тілектерін білдірді.

Айта кетерлік жайт, қазіргі таңда аудан бойынша тұрмыс жағдайы төмен 50 отбасының тізімі жасалған. Бақытбек Танағөзов 50 отбасының үйлерін жеке-жеке аралап, азық-түлікпен қамтамасыз етіп, қосымша қандай көмек керек екендігін анықтап, оларға жүйелі түрде көмек көрсетуді назарға алып отыр.

## Әлеуметтік көмекке 93 отбасы мұқтаж...



делікті хал-жағдайы өз бақылауында тұратындығын жеткізді.

Осы уақытқа дейін 35 отбасының тұрмыстық жағдайларын өз көзімен көріп шыққан аудан әкімі, тиісті дербес бөлім басшылары мен округ әкімдеріне мемлекет тарапынан ұсынылып жатқан бағдарламалармен қатар, демеушілер тарапынан көмектерді де ұйымдастыру қажет екендігін айтты.

Бағдарлама аясында ауданға қарасты барлық ауылдық округ, кенттерде арнайы топтар құрылып, аз қамта-

масыз етілген 93 отбасы анықталған. Көмекке мұқтаж азаматтар жергілікті әкімдік тарапынан бақылауға алынып, азық-түлік, киім-кешек және өзге де қажетті заттар мен қажеттіліктерінің тізімі жасақталып, шешу үшін жоспар түзіліп, кураторлар бекітілген. Тұрмысы төмен отбасыларға қамқорлық көрсетіліп, кедейлік шеңберінен шығуға мүмкіндік жасалмақ. Еңбекке жарамды азаматтарды жұмыспен қамту жағы да қаралған.

Дайындаған: Салтанат ТОЙБОЛОВА



Елімізде электронды үкімет қалыптастыру мәселесі қолға алынғалы да 15 жылдан асып барады. Осы уақыт аралығында электронды үкіметті дамыту жөнінде бірнеше бағдарламалар қабылданды. Сол бағдарламалар бойынша жүзеге асқан жұмыстардың нәтижесінде, бұл мәселе жылма-жыл дамып, бүгінгі таңда көптеген мемлекеттік қызмет түрлері электронды үкімет порталдары арқылы атқарылып келеді. Десек те, жеке тұлғалардың бұл мүмкіндіктерді пайдалану деңгейі әлі де көңіл көншітерліктей емес. Осы олқылықтың орнын толтыру мақсатында, 31 қаңтар күні Түркістан қаласында «ОНЛАЙН ОАЙ» атты форум болып өтті.

Форумды ұйымдастырушылар: Мемлекеттік қызмет істері агенттігінің Түркістан облысы бойынша департаменті, «Азаматтарға арналған үкімет» мемлекеттік корпорациясы» КЕ АҚ Түркістан облысы бойынша филиалы, Түркістан қаласы өкімінің аппараты. Аталмыш мемұйымдардың басшылары Б.Исақов, Е.Жеңісбеков және Ж.Наушабайлар қысқаша кіріспе сөз сөйлеп, жиынның мақсаттарын айтып өткен соң, форумға арнайы шақырылған өзге мемлекеттік мекеме өкілдері күн тәртібіне байланысты хабарлама жасады.

«Форумның мақсаты – электронды қызметтерді жүртшылыққа электронды үкімет пор-

## «ОНЛАЙН ОҢАЙ»

Түркістанда осындай тақырыппен ерекше форум болып өтті



талы, мобильді қосымшалар арқылы алуды кеңінен түсіндіру, насихаттау» болғанымен, көптеген мекеме өкілдері бұл үдеден көріне алмады. Тек өздері қызмет ететін мекемелердегі көрсетілетін электронды қызмет түрлерін атап шығумен ғана шектелді. Содан да болар, олардың хабарламалары тыңдаушылар тарапынан аса қызығушылық туғыза қоймады. Оларға сұрақ қоюшылар да болмады. Тек «Азаматтарға арналған үкімет» мемлекеттік корпорациясы» КЕ АҚ-ның өкілі Бақытжан Анвар гана тақырыпқа сай жан-жақты

саралап, толыққанды баяндама жасады. Оның баяндамасының қатысушыларға қызықты, керекті болғаны сондай, соңы сұрақ-жауапқа ұласып, соның салдарынан біраз мекеме өкілдеріне хабарлама жасауға уақыт жетпей қалды.

Б.Анвар халыққа қызмет көрсету орталықтарындағы электронды қызмет түрлерін пайдаланудың артықшылықтарын, жеңілдіктерін, халыққа пайдаланып, тиімділігін салыстырмалы түрде өте шебер түсіндіріп берді. Және құр сөзбен айтып қана қоймай, әркім үйінен шықпай-ақ, ұялы байланыс құралы

арқылы электронды үкімет порталынан керекті құжаттарын қалай алуға болатынын іс-жүзінде көрсетіп берді.

Форумға қатысушылардың бірі «мұндай іс-шараның тағы да өткізілгені дұрыс болар еді» деген пікір білдірді. Жиынды жүргізіп отырған Мемлекеттік қызмет істері агенттігінің Түркістан облысы бойынша департаменті басшысы Болат Исақов алдағы уақытта мұндай іс-шараны облыс аудандары мен қалаларында өткізуді жоспарлап отырғандықтарын, қажет болып жатса, Түркістан қаласында тағы да өткізетіндіктерін айтты.

Форум аясында, яғни жиынның бас кезінде және соңында корпорация («Азаматтарға арналған үкімет» мемлекеттік корпорациясы») қызметкерлері мүмкіндікті тиімді пайдаланып, электронды үкімет порталының қызметтерін Egov mobile, Телеграм, фейсбук және В кантакте қосымшалары арқылы алу жолдарын өр қызы-

ғушылық білдірген азаматқа жеке-жеке түсіндіріп, үйретті. ХҚТУ студенттері мен жас волонтерлар ақпараттық брошюралар таратып, форум қатысушыларының ұялы телефондарына электронды қосымшаларды жүктеп берді.

«Корпорацияның негізгі мақсаттарының бірі электронды қызметтер санын 80% жеткізу. Осы бағытта 2019 жылы көптеген жұмыстар атқарылды. Атап айтқанда, жыл бойына халық көп шоғырланатын саябақтар мен сауда орындарында «Қалтадағы ХҚО», «Заманауи жүргізуші», «Жылжымалы ХҚО» атты акциялар, білім ошақтарында, мемлекеттік және мемлекеттік емес мекемелерде электронды қызметтерді үйрету шаралары жүргізілді. Алдағы уақытта да осындай акциялар, оқыту жұмыстары жалғасын табатын болады. Соның бір дәлелі бүгінгі кең ауқымды «ОНЛАЙН ОАЙ» форумы» дейді «Азаматтарға арналған үкімет» мемлекеттік корпорациясы» КЕ АҚ Түркістан облысы бойынша филиалының директоры Ержан Жеңісбеков.

Жиынға Түркістан қаласының тұрғындары, зиялы қауым өкілдері, ХҚТУ қызметкерлері және студенттері (волонтерлар), мемлекеттік қызмет көрсететін мекеме өкілдері және БАҚ өкілдерінен құралған 300 ге жуық адам қатысты.

**Сейсенбай АХМЕТ**

## БІЛІКТІ МАМАН – ҰЛТ БОЛАШАҒЫ



Қазіргі таңда мамандардың болжамы бойынша ең тапшы мамандықтардың қатарына химик инженер, білікті биотехнологтар кіреді. Ал, осындай мамандық иелерін даярлайтын бірден-бір жоғарғы оқу орындарының қатарына мегаполистегі М.Әуезов атындағы Оңтүстік Қазақстан Мемлекеттік университетін атай аламыз. Үздік химик мамандар дайындайтын оқу ордасында «ПетроҚазақстан» МӨЗ қызметкерлерінің қатысуымен мектеп оқушыларына арналған жиын өтті. М.Әуезов атындағы Оңтүстік Қазақстан Мемлекеттік университетінде қазірде 13 факультет жұмыс істейді. Олардың

ішінде химиялық инженерия және биотехнология жоғары мектебінің маңызы зор. Себебі, қоғамдағы ең қажетті мамандық иелерін дайындап қана қоймай, оларға терең білім беріп отыр. Ашық есік күнінде білім ордасының жетістіктерімен Шымкент қаласындағы мектеп оқушылары танысты. Білікті педагогтардың баяндамаларын тыңдап, қызықты да жаңа ақпараттар алды. Сондай –ақ, мамандық таңдаудағы басты талаптар мен маман болудың маңыздылығын ұғынды. Іс-шараның басты мақсаты мектеп оқушыларына қоғамға қажетті мамандық таңдауға үгіттеу. Химик инженер, биотех-

нолог сияқты тапшы мамандықтарды таңдап, білімді де білікті маман қалыптастыруға ықпал ету. Себебі, саналы ұрпақ ел болашағының дамуына тікелей үлес қосады.

«ПетроҚазақстан Инк.» – бұл акционерлері болып «СNPC E&D» (67%) және «ҚазМұнайГаз» БӨ (33%) табылатын, мұнай және газды сатып алу, барлау, шығару және өндіру, сондай-ақ мұнай өнімдерін сату бойынша қызметті жүзеге асыратын компаниялар тобы. Барлау мен өндіру бойынша Топтың барлық операциялары Қазақстан Республикасының солтүстігінде және орталық бөлігінде Оңтүстік Торғай мұнайлы алабында шоғырланған. Топтың кен шығару кезеңдері түрлі он үш кен орнындағы үлесі бар. Өндірілетін өнімдердің көпшілігі ішкі нарыққа жеткізіледі, шикі мұнайдың экспорты бірнеше тиеу орындары арқылы Қытай мен Өзбекстан бағыттарымен жүзеге асырылады.

**Жанар ӘУЕЗ**



## ТҮРКІСТАН: ЖЕДЕЛ-ЖӘРДЕМ ҚЫЗМЕТКЕРЛЕРІНІҢ САНЫ АРТТЫ

Түркістан облыстық жедел-жәрдем қызметкерлерінің саны артты. 317 үміткер қатысқан сыннан сүрінбей конкурстан өткендер саны 279 маманды құрап отыр. Олардың арасында көпбалалы отбасыдан шыққан және ата-аналары мүмкіндігі шектеулі жандар да бар. Ағымдағы жыл халқымыздың денсаулығының жақсаруы үшін жағымды жаңалықтарға толы басталды. Міндетті медициналық сақтандыру, Жедел-жәрдем қызметкерлеріне берілген көліктер міне, тағы алғашқы көмек көрсетушілердің санының артуы. Облысымыздың барлық аудандарынан үміткер қатысқан конкурстың нәтижесі жарияланып, 300-ге жуық маман жұмыспен қамтылды.



Облысымызда әлеуметтік жағынан аз қамтылған отбасыларды қолдау басты назарда. Оған дәлел конкурс жеңімпаздарының қатарында көпбалалы отбасыдан шық-

қан 86 және ата-аналарының мүмкіндігі шектеулі 17 жас маманның жұмысқа қабылдануы.

Айта кетейік, жыл жаңалықтарының жағымдысы, қаңтар айынан бастап дәрігерлердің жалақысы көтерілді. Орта дәрежелі медбикелердің жалақысы 20 пайызға көтерілсе, жоғары дәрежелі медбикелердің еңбекақысы 111 мың 258 теңгеден 138 мың 519 теңгеге жо-

ғарылады. 20 жыл қызмет еткен терапевт дәрігер 1 қаңтарға дейін 153 мың 726 теңге алса, бүгінде 203 мың 949 теңге алады. Сонымен қатар, «нәресте мен бала өлімін азайту» бойынша бекітілген жоспарды жүзеге асыру мақсатында неонатолог дәрігерлердің жалақысына 50 пайыздық үстемақы қосу туралы шешім қабылданды. Бұдан бөлек, медициналық емес зертхана мамандарының айлық жалақылары да 30 пайызға өсті. Күнделікті тіршілікте атқарған қызметі байқаусыз қалатын дәрігерлер мен ұстаздардың мәртебесі Президент Қасым-Жомарт Кемелұлының жіті назарында екенінен хабардармыз. Көштің басы қайда барса, соңы сонда.

**Ақнұр ҚАРАБАЙ**





“Облыстық жасөспірімдер үйі” коммуналдық мемлекеттік мекемесі

Нақты мекен-жайы Шымкент қ. А. Байтұрсынов көшесі №73/1 үй. Өзге де қорлар мен қызметтерді сатып алу бойынша жеткізушіні таңдауға конкурс жариялайды. Конкурс құжаттама пакетін мына мекен-жай бойынша алуға болады: Шымкент қаласы, А. Байтұрсынов көшесі, №73/1 үй. Есеп-қисап бөлімінде ашылады. Толық ақпаратты 8 (7252) 37-10-39 телефоны арқылы алуға болады. Сатып алу ҚР Білім және ғылым министрінің 2016 жылғы 30 маусымдағы №412 бұйрығы негізінде жүзеге асырылады.

Коммунальное государственное учреждение “Областной дом юношества”

Фактический адрес г.Шымкент, ул. А.Байтұрсынова, №73/1. Объявляет о проведении конкурса по выбору поставщика по Приобретению прочих запасов, и услуг. Пакет конкурсной документации можно получить по адресу: г.Шымкент, ул. А. Байтұрсынова №73/1. Окончательный срок предоставления конкурсных заявок до «13» февраля 2020 года. Конверты с заявками на участие в конкурсе будут вскрываться в 10.00 часов «13» февраля 2020 года по адресу: г. Шымкент улица А. Байтұрсынова №73/1 в отделе Бухгалтерий. Для получения полной информации 8 (7252) 37-10-39. Закуп будет осуществляться на основании Приказа Министра образования и науки РК от 30 июня 2016 года №412.

Шымкенттік спортшы өз жарақатына қарамастан ережесіз жекпе-жекте чемпион атанды. Атырау қаласында өткен халықаралық догада үшінші мегаполистің намысын қорғаған Әсет Анарбаев 7 мемлекеттің ішінен топ жарып, жеңімпаз атанды. Үздік спортшыны туыстары мен жақындары Шымкент әуежайынан зор қошеметпен күтіп алды. Атырау қаласында өткен халықаралық жарысқа аттанған Әсет Анарбаевты ең қатты уайымдаған чемпионның әкесі Ислам Төребеков болды. Себебі, спортшы сайысқа барардан бір апта бұрын аяғынан жарақат алған болатын. Соған қарамастан, маңызды жарыстан бас тартпай, бүгінде жеңіспен оралған ұлын әкесі мақтан етеді. Қолына гүлі мен әдемі шарларын және чемпионның суреті салынған плакаттарды ұстап тұрған Әсеттің «Шымкент MMA» академиясындағы достары, шәкірттері және олардың ата-аналары. Барлығы да жүректері дүрсілдеп, жеңімпаз бен оның бапкерін күтуде. Спорттағы үлкен жетістіктері 17 жасында басталған Әсет 19 жасында

ӘСЕТ АНАРБАЕВ ХАЛЫҚАРАЛЫҚ ДОДАДА ТОП ЖАРДЫ



қазақ елінің абыройын тағы бір асқақтатты. 40-тан аса спортшы қатысқан халықаралық жарыстың тартысты өткендігін чемпионның өзі жасырған жоқ. «Шымкент MMA» Академиясының оқушысы бұл спорт мектебінде екі жылдан бері жаттығады. Үлкен додаларға дайындап шығаратын оның бапкері Бекзат Жалал. Бұған дейін де көптеген спортшының әлемдік ареналардан көрнуіне жол ашқан бапкер үшін шәкіртінің жеңісі үлкен мақтанш. Қазақстанның намысын қорғаған Әсет Анарбаев мұнымен шектелмей, спорттағы жетістіктерін арттыра бермек. Алдағы көктемде мезгілінде болатын үлкен жарысқа дайындығын да бірден бастауды жоспарлап отыр. Аруна ПЕРНЕБЕК

ҚЫЗЫЛША АУРУЫНАН АЛДЫН - АЛА САҚТАНАЙЫҚ

Қызылша – ауа арқылы тарайтын жұқпалы ауру. Жасырын уақыты: 9-10 күн. Қызылша ауруының вирусы қоршаған ортада төзімсіз, бірақ ауа арқылы жылдам және алысқа тарайды. Ауру адаммен байланыста немесе қасында болғаннан кейін 7-10 күннен соң суық тию белгілері бойынша басталады: яғни ыстық көтерілу, түшкіріп, мұрыннан су ағып, жөтел пайда болады және көз қызарады.

Кейбір жағдайда мойын, қолтық бездерінің үлкейіп, ұстаганда ауырсынуы, өкпеде сырыл пайда болуы және науқастың іші ауырып, аздап өтуі мүмкін. 2 немесе 3 күннен кейін ауыздың құбысы ішінде сөктің көлемінде кішкентай ақ дақтар көріне бастайды. Одан кейін денеге қызыл түсті бөрткендер шығады. Қызылша бөрткендерінің ерекшелігі: бірінші күні бөрткен бетте, мойында, екінші күні денеге, үшінші күні аяқ-қолдарына шығады. Қызылша ауыруы неге қауіпті: Қызылша асқынған жағдайда менингит, энцефалит сияқты күрделі ауруларға өкеліп соғуы мүмкін. Науқасқа дәрумендерге бай тағамдар (көкөністер, жемістер, шырындар), көп мөлшерде сұйық ішу, көздің көру қабілетін нашарлатпау үшін мүмкіндігінше А дәрумені, мультивитаминдерді беру керек. Қызылшамен ауырған науқастар дәрігер бақылауында

міндетті түрде болғаны абзал. Қызылшадан алдын-ала вакцина егу арқылы ғана сақтануға болады. Балаларды көп жиналған жиын жерлерге апармау керек. Үй тазалығын жақсы ұстану, 2 сағат сайын ауа алмастырып, дымқыл шүберекпен сұрту керек. Жалпы дененің ауруға қарсылығын, яғни иммунитетін жақсартып, денені шынықтырудың да пайдасы зор. Гүлбану МЫРЗАБАЕВА, Шымкент қалалық №13 емхананың ЖКТ дәрігері.

Жекешелік әріптесті анықтау мақсатында конкурс өткізу бойынша хабарлама
Түркістан облысының өкімдігі атынан Қазақстан Республикасы, Түркістан қаласы, 160 орам, 5-құрылымда орналасқан «Түркістан облысының құрылыс басқармасы» ММ төмендегі жобалар бойынша конкурс процедураларын пайдалана отырып, төмендегі жобалар бойынша конкурстық рәсімдерді пайдаланып, жекеше әріптесті анықтау туралы хабарлайды:
1.«ОҚО, Бәйдібек ауданы, Боралдай ауылында спорт залының құрылысы»;
2.«ОҚО, Бәйдібек ауданы, Жамбыл ауылындағы №5 спорт мектебіне спорт зал құрылысы»;
3.«Түркістан қаласы, Бабай Қорған ауыл округінде спорт зал құрылысы»;
4.«Ордабасы ауданы, Бадам ауылдық округі, Бадам елді мекенінде спорттық-сауықтыру кешенін салу»;
5.«ОҚО Мақтаарал ауданы Жетісай қаласының орталық саябағында денешынықтыру кешенін салу»;
6.«Түркістан облысы, Келес ауданы, Абай ауылындағы Б. Қырғызалиев көшесі бойында спорт кешенін салу»;
7.«ОҚО, Бәйдібек ауданы, Алғабас ауылдық округіндегі Шақпақ ауылында спорт залын салу»;
8.«ОҚО, Бәйдібек ауданы, Шалдар ауылында спорт залының құрылысы».
Конкурсқа Қазақстан Республикасының «Мемлекеттік-жекешелік әріптестік туралы» Заңының 32 бабында және жекеше әріптесті таңдау жөніндегі конкурстық құжаттамада көрсетілген біліктілік талаптарға сай келетін барлық әлеуетті қатысушылар жіберіледі. Конкурсқа қатысуға және конкурсты ұйымдастырушыға ұсыну үшін, қажетті құжаттардың тізбесі мен әлеуетті қатысушыларға қойылатын талаптар конкурстық құжаттамада көрсетілген.

Объявление о проведении конкурса по определению частного партнера
Акима Туркестанской области, в лице ГУ «Управление строительства Туркестанской области», Республика Казахстан, город Туркестан, 160 квартал, строение 5, объявляет о проведении конкурса по определению частного партнера с использованием конкурсных процедур по следующим проектам:
1.«Строительство спортивного зала в селе Боралдай, района Байдибек, ЮКО»;
2.«Строительство спорт зала при спортивной школе №5 в селе Жамбул, района Байдибек, ЮКО»;
3.«Строительство спорт зала в сельском округе Бабай Корган, г.Туркестан»;
4.«Строительство спортивно-оздоровительного комплекса в населенном пункте Бадам, Бадамского сельского округа, Ордабасинского района»;
5.«Строительство физкультурного комплекса в центральном парке города Жетысай Мактааральского района ЮКО»;
6.«Строительство спорткомплекса по улице Б. Кыргызалиева в селе Абай, Келесского района, Туркестанской области»;
7.«Строительство спортивного зала в селе Шақпақ, сельского округа Алғабас, Байдибекского района, ЮКО»;
8.«Строительство спортивного зала в селе Шалдар, района Байдибек, ЮКО».
К конкурсу допускаются все потенциальные участники, отвечающие квалификационным требованиям, указанным в ст. 32 Закона Республики Казахстан «О государственном-частном партнерстве» и конкурсной документации по выбору частного партнера. Перечень необходимых документов и требования к потенциальным участникам для участия и предоставления организатору конкурса, указаны в конкурсной документации.
Пакет копии конкурсной документации можно получить с 9-00 до 13-00 часов и с 15-00 до 18-00 с 06 февраля 2020 года до 03 марта 2020 года в ГУ «Управление строительства Туркестанской области» по адресу: Республика Казахстан, Туркестанская область, город Туркестан, 160 квартал, строение 5. При получении копии конкурсной документации потенциальный частный партнер должен зарегистрироваться в журнале регистрации.
Документы для квалификационного отбора, представляются в ГУ «Управление строительства Туркестанской области» потенциальными частными партнерами с 21 февраля 2020 г. – 03 марта 2020 г. до 18:00 часов.
Потенциальный частный партнер, прошедший квалификационный отбор предоставляет Конкурсные заявки до 13:00 часов 10 марта 2020 года по адресу: Республика Казахстан, Туркестанская область, город Туркестан, 160 квартал, строение 5.
Вскрытие конвертов с конкурсными заявками будет осуществлено 10 марта 2020 года в 16:00 часов в ГУ «Управление строительства Туркестанской области».
Справочную информацию можно получить в ГУ «Управление строительства Туркестанской области» по телефону: 8 (72533) 5-94-93.

АЙҒАҚ MEDIA
Газет ҚР Мәдениет және ақпарат министрлігінде, Ақпарат және мұрағат комитетінде 2010 жылдың 5 қаңтарда есепке қойылып, №10617-Г тіркеу куәлігі берілген.

Құрылтайшысы және меншік иесі «Айғақ» Медиа» ЖШС
РЕДАКЦИЯНЫ МЕКЕНЖАЙЫ:
160000, Шымкент қаласы, Ф. Ляев көшесі, 29.
E-mail: aigak@mail.ru www.aigak.kz
Жандос САҒЫНДЫҚОВ - Безендіруші
Қарлығаш ЖАҚЫПОВА - Жарнама
Олжас ҚҰДАЙБЕРГЕНОВ - Тарату бөлімі

Газет тарайтын облыстар мен қалалар: Нұр-Сұлтан, Ақмола, Алматы, Атырау, Ақтөбе, Ақтөу, Ақсай, Батыс Қазақстан, Шығыс Қазақстан, Солтүстік Қазақстан, Түркістан облысы, Жамбыл, Қызылорда, Қостанай, Көкшетау, Семей, Павлодар, Талдықорған, Қарағанды, Теміртау, Шымкент.
Жазылу индексі 65836
Газет редакцияның компьютер орталығында теріліп, «Айғақ» Баспа үйі» ЖШС-нің баспаханасында басылды.
Таратушы: №20
Нөмірдің кезекші редакторы - Әкерке Исманова

Редакция авторлар мақаласы мен көзқарасына, жарнама мазмұнына жауап бермейді. Автор қолжазбасы өңделмейді және кері қайтарылмайды. Көлемі үш компьютерлік беттен асытын материалдар қабылданды. «Айғақ» жарияланған материалдарды көшіріп немесе өңдеп басу үшін редакцияның жазбаша рұқсаты алынып, газетке сілтеме жасалуы міндетті.





